

ORATIO DE PONTIFICE MAX. ELIGENDO

Ad Illustrissimos, & Reuerendissimos
S. R. E. CARDINALES
POST OBITVM GREGORII XV.

Vaticanum Conclauē ingressuros.

*Habita Romae die XIX. Iulij in Sacrosancta
Principis Apostolorum Basilica*



A

IOANNE CIAMPOLO
Secretario Apostolico domestico,
Eteiusdem Basil. Canonico
Anno 1623.



ROMAE, Ex Typographia Iacobi Mascardi.

SVPERIORVM PERMISSV.

ORATIO

DE PONTIFICIS MAX.

ELIGENDO

Ad Illustrissimos & Reverendissimos

S. R. E. CARDINALES

POST ORATIONEM GREGORII XV.

Procuratoribus & Auditoribus

Hujus Sacre R. C. Curie in Consistorio

Generalis Auditoribus

A

IOHANNES CIAMPOLO

Secretarius Apostolicus domesticus,

Franchi-Basil. Canonico

Anno 1623.



ROMAE, Ex Typographia Iosephi Stenod.

224102474



DIVINITATIS oraculum, &
 generis humani patrocinium ve-
 stris suffragijs constituendum
 nunc est in orbe terrarum Patres
 Amplissimi. Tanto autem in ne-
 gotio cum cœli dignitas agatur, &
 salus gentium, meritò illud sa-
 pientissimis Orthodoxæ Ecclesiæ Senatoribus Spiritus
 sanctus mandavit, ipsum tamen eiusmodi delibe-
 rationis exitum fallacibus hominum consilijs omnino
 non credidit, suumq. tandem arbitrium vult in libe-
 ris eligentium voluntatibus dominari. Facile quidem *Matt. 3.*
 erat omnipotenti rerum Artifici, è cœlo rursus demitte-
 re indicem illâ Diuini numinis Columbam, & fausto
 immortalis eloquij tonitru Beatissimum Patrem terris
 indicare, & dicere, Hic est. Adeo tamen nostris laudi-
 bus miserentis Dei fauet indulgentia, vt cœlestis ele-
 ctionis gloriam, mortalium etiam iudicijs magna ex
 parte acceptam referri velit. Quod igitur desipiens
 veterum superstitio æternæ providentiæ arcanum in
 pecudum fibris, & auium tripudio arduis præsertim
 in consultationibus quæritabat, id nunc sapiencius, &
 fœlicius in cordibus Apostolici Senatus consencienti-
 bus Catholica Ecclesia inspectat. Vos ergo Cardina-
 les Illustrissimi *Genus electum, & Regale Sacerdotium Pet. 2. 6. 2.*
estis, ad quos tamquàm Spiritus sancti Interpretes per-
 tinet successorem Petri deligere, & cœli decretum
 mundo promulgare.

Qualis autem esse debeat is homo, quem Diuinita-
 tis Vicaria potestas deceat, cuiusq. pedibus fasces Im-

perij, & Principatuum diademata subijciant triumphatores orbis terrarum, orationis meæ munus esset explicare. Verum ego citius in vestris moribus, quàm vos in meis verbis expressam optimi Pontificis imaginem agnouero. Non tamen ab re erit pauca quædam commemorare, quæ ex eligentium Antistitum mentibus extorquere omni semper studio conabitur *discordiarum pater*, & machinator fraudum.

Docet planè ipsemet Pontificatus author, cuius vocem; *corda vestra non obdurantes, audire hodie debeatis.*

Psal. 4.

Matt. 16.

Vbi enim Petrus in conuentu discipulorum naturam Dei viui in Christo Domino primus agnouit, beatus illicò æternæ sapientiæ testimonio prædicatur ob eam vnā causam, quia *caro, & sanguis non reuelauit ei, sed*

S. Bernar. de
confid. lib. 2.
& 4.

Pater æternus, qui in cælis est. O vos in hoc miseriarum carcere beatissimos, si declaraturi Principē Episcoporum, & Moderatorem legum mentis aures constanter occluseritis carni, & sanguini, cuius consilia fraudes, cuius verba blasphemiæ, cuius finis exitiosa, & legum contemptrix vtilitas. Heu quàm semper metuendum est, ne improba hæc Syren animos pelliciat, aut *quasi*

Pet. 1. c. 2.

velamen malitiæ libertatem præferens, aut grati animi

Psal. 54.

virtutem mancipatis obsequijs simulans. *Molliti sunt sermones eius super oleum, & ipsi sunt iacula,* Arma sci-

Psal. 119.

licet Diaboli *cum carbonibus desolatorijs*, quibus cælum

Psal. 7.

prodit, Ecclesiam oppugnat, & sacerdotij gloriam in puluerem deducere studet. Væ illis si qui vmquam reperirentur, qui tanta in consultatione studia, & inimicitias exercerent, eiusq. negotij grauitatem, quod ad sui spectaculum cælestium, mortaliumq. concilia euo-

car,

cat, priuatarum rationum momentis penderent. publicæ felicitatis obliiti. Quod enim crimen, quæ pro-
 ditio vlciscentis cœli fulmina torpere non patietur, si
 habeant talia facinora impunitatem? Tantône ho-
 nore Diuina clementia dignabitur *hominem natum è Iob 14.*
muliere, & miserij coopertum, vt eius sententia Dei Vi-
 carium, & Ianitorem cœli dicere possit in terris, ille
 vero animum de tanta re deliberaturum è syderi-
 bus deuocabit, atque è torius orbis vastitate abdu-
 ctum in priuatarum ædium angustias detrudet, con-
 silium in earum latebris quæsiturus, quod mœren-
 tis Ecclesiæ lachrymas, & custodientium Angelo-
 rum vota consoletur? *Miscebitur in eo spiritus vertigi-* *Isa. 19.*
nis, si quis vnquàm id impiè conabitur, *aut dimitte-* *Psal. 80.*
tur secundum desideria cordis sui. Quo nescio an gra-
 uius supplicium cœlestis ira peccantibus irroget.
Funibus enim delictorum suorum peccator constringitur, ijs- *Prou. 5.*
 demq. machinis, quibus sibi parabat felicitatem, rui-
 nam struit, & dedecus congerit. Sed quò me *zelus do-* *Psal. 68.*
mus Domini rapit spirantem minarum, & sacrilegas pro- *Act. Apost.*
 fanæ calliditatis artes exterrentem? Neque enim eiuf-
 modi quærelis locum relinquit amplissimi Senatus
 pietas, cuius Patres quamuis patria discrepantes, &
 dispares lingua, cum eundem spectent Diuinæ glo-
 riæ, & humanæ incolumitatis scopum, facilè etiam in
cor vnum, animamq. vnã coalescent. In huius ergo er- *Act. Apost.*
 roris explicata turpitudine sanctimonix vestræ, & fi-
 dei decorem non sine delectatione potestis agnoscere.

Iam verò si priuatæ commoditatis obliuisci ius est
 Pontificios Electores, quid de eo tandem dicendum,

qui in Sede cælo proxima collocabitur animotum Monarcha, & terrarum custos religiosis Regum obsequijs adorandus? Quamuis enim tanta authoritate polleat inter homines, vt Imperia transferre, Regna constituere, æternitatis fores claudere, atque patefacere possit, Patris tamen, & serui sibi cognomen asciscit, non Domini. Qua quidem ex're facilè conijcere possumus, Quid ille *segregatus à peccatoribus, & excelsior cælis factus*, negotij contrahat cum carne, & sanguine. Egreditur ex arctis paterni tecti parietibus commune nationum omnium patrocinium suscipiēs, & in confanguineorum locum, quos relinquit, fideles vniuersos, quibus Christi hæreditas Diuinæ munificentiae testamento legatur, filios adoptat. Quinimmo

*Paul. ad
Heb. c. 7.*

*Psal. 44.
Ad Ephef.
4.*

Matt. 16.

vt *obliuiscatur domum patris sui, & veterem hominem exuat*, ac semetipsum quodammodo deferat, ac dediscat, nouum nomen nanciscitur cœlestis Magistri secutus exemplum. Ille enim Simonem Bariona, vbi ad Pontificatum extulit, gloriolo etiam Petri cognomento insigniuit.

Neque se quisquàm, qui ad Apostolatus culmen euehitur, ad inertiae delicias se vocari arbitretur, & oblectamenta superbiae. Par quidem est ad personam supra humanam conditionem elatae speciem, ac dignitatem sustinendam, Pontificem Maximum auro regi, fulgere gemmis, coronis redimiri, & succollantium seruorum humeris sublatum quasi supra hominum capita ambulare. Quamuis enim hæc diuitiarum insignia nil aliud re ipsa sint, quàm speciosum quoddam lutum, nihil tamen hic habemus illu-

strius,

strius, quod aureos syderum fulgores, æternasque
cœlestis. Regni pompas possit decenter imitari.

At enim inspicere ille debet non oculis modo, sed
animo, quod ipsi continenter præfertur simulacrum
Pontificis sempiterni. Videbit autem eius, cuius vi-
cem gerit, ornatum cuiusmodi sit. Illius enim so-
lium crux, sceptrum clavi, purpura sanguis, corona
spinæ, supplicia miserorum non infusæ dominan-
tium. Desertor est, & Christianam Rempublicam
prodit, qui Vicariam Deo operam præstare se profi-
tetur, & *hereditatem suam in Christi cruce, & laboribus* S. Bern. de
conf. lib. 2.
plurimis agnoscere non vult. Non ideo solemnia Ponti-
ficatus ornamenta sunt abijcienda, ut quis *conformis
fiat imagini filij Dei*.

Sentiet qui gentis humanæ vulneribus sollicitè
mederi volet, qui spinarum aculei sub triplici illa,
coronarum serie delitescant Pontificiam mentem as-
siduè lacerantes. Pretiosum illud syrma, quò lon-
gius, eò grauius, & plus molestiarum secum trahens,
non rarò sanguineos ferè sudores è visceribus pastora-
lis charitatis eliciet orbis ruinas miserantis. Nec mi-
lilibus solum lancea, aut carnificibus clavi, sed *dolo-* Luca 20.
ri suis gladius, & curis sua tela sunt ad Ecclesiastici
Monarchæ animum vulnerandum, crucique corpo-
reos oculos latenti suffigendum.

Si quis ergo hac mente est, ut eum inter procum-
bentium Principum, & adorantium populorum
plausus, ceca hæc, & assidua supplicia delectent, hic
dignum Pontifice Maximo animum gerit, *Qui cali-* Matt. 20.
cem hunc bibere recusat, & absinthium non sitit cum felle Ibid. c. 27.
mixtum?

mistum ? enimuerò ille impudenter ad supremi sacerdotij mensam enititur.

Cogitare ego soleo aliquando, quarum molestiarum ferax eiusmodi Principatus sit, cui vel ipsa conuiuiorum iucunditas, sollicitudinum campus est, & terrorum seges. Id autem in hac re penitus perspicitur. Cum Deus Israeli inhospitas desertarum terrarum solitudines peragranti penum præbuit, epulasque parare voluit, quæ Sybaritarum fercula, quæ Attica bellaria cum celestibus illis cibis conferri tunc potuerunt ? Patefactis æthereæ regionis horreis *panem Angelorum, & manna omne delectamentum suauitatis habens* vulgus hominum, & militum grex manducauit. At enim vbi esurienti quorundam Apostolorum Principi mensam è cælo Deus demisit, non vos præterit, quàm diuersis eam obsonijs instruxerit.

Linteum magnum quatuor extremæ oræ angulis suspensum ex apertis cæli foribus descendit, cuius dapes viperarum virus, draconum sanies, leonum feritas, rabies vulturum, *omnia denique quadrupedia, & serpentina terra, & volatilia cæli*. Quæ autem alios in repentinam fugam egisset tantæ formidinis scena, iussus est ad eam Petrus accedere, & *manducare*. Hæ scilicet in cordis triclinio Maximorum Pontificum cænæ, & delitiæ, quorum paterna præcordia ij gladij semper vulnerant, quos contra Catholicam Religionem armata hæresis distringit, ad quorum curam prouinciarum omnium negotia pertinent, quæ tandem nil aliud esse comperiuntur, quàm *vinum compunctionis*, & *panis lacrymarum*.

Hac autem tempestate, qua tot regiones fauicium bellorum aut lacerauit crudelitas, aut terror oppressit, heu *quam atrox sylua fremantium bestiarum, qui turbulentiſſima profunditatis Oceanus* futuro Pontifici ostentatur? Quid monstri alat Germania, quid Transylvania minetur, quid Hungaria, atque Dania moliantur, quæ nubes Gallias obumbrent, & Italiam exterreant, vix possumus sine lachrymis commemorare. Tot tamen calamitates inuictum Pontificis animum infringere non debent, sed erigere. Exploratum enim est quid in tanto armorum strepitu authoritas nuper profecerit Sanctissimi Pontificis Gregorij XV. cuius memoriam in Septemtrionis castris feliciter triumphantem, exterarum nationum voces, & potentissimorum Principum testimonia laudibus sempiternis in cælum ferunt.

S. Leo Ser. 1.
in Nat. Apof.
Petri, & Pan
li.

Sed quid ego vos diutius moror, Patres amplissimi, Spiritus sancti disciplina imbutos, & ad optimi Pontificis electionem properantes? Vos ipsos consulite; vestra pietas, & rei magnitudo docebit, quid in præſenti opportunitate cælo spectanti, terrisque è vestro nutu pendentibus debeatis. Templum hoc augustissimum, Religionis sanctuarium, & Principis Apostolorum domicilium, me tacente satis loquitur, quid à vobis hic nationum conuentus exigit tantam authoritatem vni homini delaturis, vt *gens, Isa. 60. gens, & Regnum quod non seruiert ei, periturum dicatur*.

Te autem ego pro negotij dignitate nesciens loqui supplex rogo Piscator hominum, & cælestis Regni clauiger Sanctissime Pontifex Petre, cuius corpus in

sacro

3. Leo. Ser. 1. in nat. Apost. *sacro hoc beata dormitionis tue thoro coram veneramur, ne dedigneris linguam meam in præsentia tamquam calamus scribe tua verba, tuasque sententias referentē. Vos autem, dum finem dicendi facio, ipsum de Ecclesiastici nominis maiestate sollicitum ita loqui existima-
re; Patres amplissimi.*

*Isa. 9. Princeps pacis, & exercituum Dominus, Pater misericordiarum, & ultionum Deus diuersa admodum Pontificis æterni cognomenta sunt. Deponentes igitur omnem
Zach. 1. malitiam, & omnem dolum, & simulationes, & inuidias,
2. Cor. 5. 1. eum constituite Principem Pastorum, qui modo mitis,
Psal. 93. modo ferox, factus omnibus omnia, non solum ouibus
Pet. 1. c. 2. sibi commendatis pabulum sufficiat intellectus, & vi-
Cap. 5. ta, sed molas etiam leonum confringere, & dentes peccato-
1. Cor. 13. 9. rum conterere non timeat. Virgam vigilansem omnino
Eccl. 15. videre cupiunt populi in dextera illius, qui pericula
Psal. 57. totius Orbis præcauere, iisque caput galea salutis mu-
Hier. 1. nitum obiectare debet. Vbi Ecclesiæ dignitas, & ani-
Ad Ephes. 6. 6. marum incolumitas residet, illuc vel super indignatis
Psal. 90. pelagi procellas, vel super aspides, & basiliscos contem-
Ioan. 1. 21. ptis periculorum minis properanter ambulandum
est. Ego quidem simul ac Iesum in litore stantem
nauigans prospexi, prædæ oblitus, impatiens moræ,
& vi charitatis abreptus è cymba in mare seminudus
desilui, ducentisque fluctuum cubitis peragratis ad
verum nauigantium portum properaui.*

*Magna; inusitata, & vix humanis viribus patran-
da in eo requiruntur, qui Regum arbiter, & sacro-
rum Rex eligatur. Omnes tamen difficultates facile
expugnabit, qui Deum ardentem diligit. Mihi qui-
dem*

11
*Imprimatur, si videbitur Reuerendissimo P. Mag.
Sacri Pal. Apost.*

A. Episcopus Hierac.

*Imprimatur, Fr. Vincentius Martinellus Magister &
Socius Reuerendiss. P. Fr. Nicolai Rodulfij Ord.
Prædic. Sacr. Apostol. Pal. Mag.*